



საქართველოს გაერთიანებული
წყარმომარაგების კომპანია
UNITED WATER SUPPLY COMPANY OF GEORGIA

სასმელი წყლის პოლიეთილენის მილების შესყიდვის
ორეტაპიანი ელექტრონული ტენდერის

სატენდერო დოკუმენტაცია

(44100000 - სამშენებლო მასალები და დამხმარე სამშენებლო მასალები;
CPV-44163100 - მილები)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 20³ მუხლის, „ორეტაპიანი ელექტრონული ტენდერისა და ორეტაპიანი გამარტივებული ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2016 წლის 28 ივლისის N11 ბრძანების საფუძველზე

ქ. თბილისი
2017 წელი

ს ა რ ზ ე ვ ი

1. ტექნიკური მოთხოვნები	3
2. სახელმწიფო შესყიდვის შესახებ ხელშეკრულების პროექტი	6
3. დამატებითი ინფორმაცია	11
4. დანართი N1, რეკვიზიტები	12
5. დანართი N2, ინფორმაცია ხელშეკრულების შესრულების გარანტიის შესახებ	13
6. დანართი N3, ფასების ცხრილი	14
7. დანართი N4, ტექნიკური პირობები	15

1. ტექნიკური მოთხოვნები

1.1 პრეტენდენტმა საკვალიფიკაციო მონაცემების დამადასტურებელ დოკუმენტები უნდა წარადგინოს ტენდერისთვის სტატუსის „წინადადებების მიღება დაწყებულია“ მინიჭების ეტაპზე, სატენდერო წინადადებასთან ერთად, სისტემის მეშვეობით:

1.1.1 იურიდიული პირებისათვის:

- (1) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან.
- (2) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- (3) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.
- (4) ცნობა სასამართლოდან/ან მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ მის მიმართ არ მიმდინარეობს გადახდისუუნარობის საქმე;

1.1.2 ფიზიკური პირებისათვის:

- (1) პირადობის მოწმობის (ან პასპორტის) ან/და გადასახადის გადამხდელის სარეგისტრაციო მოწმობის ასლები;
- (2) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმისწარმოება;

1.2 შესყიდვის ობიექტი - შესყიდვის ობიექტია შპს „საქართველოს გაერთიანებული წყალმომარაგების კომპანიის“ საჭიროებისათვის პოლიეთილენის მილების სახელმწიფო შესყიდვა დანართი N4- ის შესაბამისად, 2017 წლის საკუთარი სახსრებით;

1.3 შესყიდვის ობიექტის სავარაუდო ღირებულებაა 245000 (ორასორმოცდახუთი ათასი) ლარი დ.დ.გ-ს გათვალისწინებით, სატენდერო წინადადების ფასის წარმოდგენა დასაშვებია მხოლოდ ეროვნულ ვალუტაში - ლარში.

1.4 იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის საფუძველზე, 3 (სამი) სამუშაო დღის ვადაში უნდა წარმოადგინოს (სისტემაში ატვირთოს) ფასწარმოქმნის ადეკვატურობის დამადასტურებელი დოკუმენტი. ფასწარმოქმნის ადეკვატურობა, შესაძლებელია დასაბუთდეს ექსპერტიზის ან/და შესაბამის სფეროში საქართველოს კანონმდებლობით განსაზღვრული უფლებამოსილების/ აკრედიტაციის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი) ან შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით და მიღება-ჩაბარებით ან/და ანგარიშფაქტურით (ინვოისით). აღნიშნულის წარმოდგენილობა ან/და უარყოფითი დასკვნის/შეუსაბამო ხელშეკრულების ან/და ანგარიშფაქტურის წარმოდგენა გამოიწვევს შესაბამისი პრეტენდენტის დისკვალიფიკაციას.

1.5 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.6 პრეტენდენტი ვალდებულია ნებისმიერი უცხოურენოვანი დოკუმენტის წარმოდგენის შემთხვევაში ასევე წარმოადგინოს იგი ქართულ ენაზე ნათარგმნი და ნოტარიულად დამოწმებული.

1.7 შეფასების კრიტერიუმები და მათი ხვედრითი წონები

პრეტენდენტის შეფასება განხორციელდება „ორეტაპიანი ელექტრონული ტენდერისა და ორეტაპიანი გამარტივებული ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2016 წლის 28 ივლისის N11 ბრძანებით განსაზღვრული საუკეთესო სატენდერო წინადადების მქონე პრეტენდენტის გამოვლენის ფორმულის მეშვეობით შემდეგი შეფასების კრიტერიუმებისა და მათი ხვედრითი წონების შესაბამისად:

N	შეფასების კრიტერიუმები	ხვედრითი წონები
1	მომსახურების ფასი (თვალადასტურებული კრიტერიუმები სადაც უპირატესობა ენიჭება დაბალ ციფრობრივ მაჩვენებელს)	0,50
	საქონლის მიწოდების ვადა, ხელშეკრულების გაფორმებიდან არანაკლებ -8 სამუშაო არაუმეტეს - 24 სამუშაო დღე (თვალადასტურებული კრიტერიუმები სადაც უპირატესობა ენიჭება დაბალ ციფრობრივ მაჩვენებელს)	0,50
	ჯამი	1

1.8 პრეტენდენტის მიერ სისტემაში ტექნიკურ დოკუმენტაციის სახით ატვირთული უნდა იყოს:

- (1) რეკვიზიტები დანართი N1-ის შესაბამისად (დანართში მითითებული ინფორმაცია პრეტენდენტის მიერ ივსება მხოლოდ იმ შემთხვევაში, თუ აღნიშნული არ არის ასახული სისტემაში არსებულ მიმწოდებლის პროფილში.
- (2) ფასების ცხრილი დანართი N3-ის შესაბამისად, დანართი N4-ის გათვალისწინებით.
- (3) ბოლო სამი წლის განმავლობაში ლიცენზირებული აუდიტორის მიერ ჩატარებული ფინანსური აუდიტის შესახებ ინფორმაცია და შესაბამისი დამადასტურებელი დოკუმენტაცია.

- (4) საქონლის წარმოშობის ან/და ხარისხის დამადასტურებელი სერთიფიკატები, (ნოტარიულად დამოწმებული ქართულ ენაზე თარგმანის სახით), სადაც იქნება აღნიშნული შესყიდვის ობიექტის წყალმომარაგების სფეროში გამოყენების ვარგისიანობა

1.9 ხელშეკრულების უზრუნველყოფის საბანკო გარანტია:

- 1.9.1 ტენდერში გამოყენებულ იქნება ხელშეკრულების უზრუნველყოფის საბანკო გარანტია (გაცემული საბანკო დაწესებულების მიერ), ხელშეკრულების საერთო ღირებულების 5 (ხუთი)%-ის ოდენობით, დანართი N2-ის მიხედვით.
- 1.9.2 პრეტენდენტისმიერ, სავარაუდო ღირებულებაზე მინიმუმ **20%-ით დაბალი ფასის** დაფიქსირების შემთხვევაში, ტენდერში გამოყენებული იქნება ხელშეკრულების უზრუნველყოფის საბანკო გარანტია (გაცემული საბანკო დაწესებულების მიერ), ხელშეკრულების საერთო ღირებულების 10%-ის ოდენობით.
- 1.9.3 ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას.
- 1.9.4 გამარჯვებულ პრეტენდენტთან ხელშეკრულების გაფორმება მოხდება ხელშეკრულების უზრუნველყოფის საბანკო გარანტიის წარმოდგენის შემდეგ.

1.10 ანგარიშსწორების პირობები:

- 1.10.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.
- 1.10.2 „მიწოდებელთან“ ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.
- 1.10.3 დაფინანსების წყარო: შპს „საქართველოს გაერთიანებული წყალმომარაგების კომპანიის“ 2017 წლის სახსრები.
- 1.10.4 ანგარიშსწორება განხორციელდება საქონლის სრული მიწოდების შემდეგ, მიღება-ჩაბარების აქტის საფუძველზე და შესაბამისი ფინანსური დოკუმენტაციის (სასაქონლო ზედნადების; ანგარიშ-ფაქტურის (დ.ღ-ს გადამხდელის შემთხვევაში) მიმწოდებლის მიერ წარმოდგენიდან 10 ათი სამუშაო დღის ვადაში.
- 1.10.5 წინასწარი ანგარიშსწორება არ გამოიყენება.

1.11 მიწოდების პირობები და ვადები:

- 1.11.1 მისაწოდებელი საქონელი უნდა აკმაყოფილებდეს დანართი N3-ში მოცემულ მახასიათებლებს.
- 1.11.2 საქონლის მიწოდება განხორციელდება ხელშეკრულების გაფორმებიდან არანაკლებ 8 სამუშაო - არაუმეტეს 24 სამუშაო დღის განმავლობაში (კონკრეტულ ვადად განისაზღვრება გამარჯვებულად გამოვლენილი პრეტენდენტის მიერ წარმოდგენილი ვადა).
- 1.11.3 საქონლის მიწოდება უნდა განხორციელდეს მიმწოდებლის ხარჯით შემსყიდველის მისამართზე: ქ. გორი, ცხინვალის გზატკეცილი მე-3 კილომეტრი შპს „საქართველოს გაერთიანებული წყალმომარაგების კომპანიის“ ცენტრალური საწყობი.
- 1.11.4 მიმწოდებელი ვალდებულია შესყიდვის ობიექტის მიწოდებისას წარმოადგინოს მიწოდებული საქონლის **ლაბორატორიული გამოცდის შედეგები**.
- 1.11.5 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.
- 1.11.6 მიმწოდებელმა საქონლის მიწოდებისას უნდა წარმოადგინოს სასაქონლო ზედნადები და საგადასახადო ანგარიშ-ფაქტურა (დ.ღ-ს გადამხდელის შემთხვევაში).

1.12 საქონლის საგარანტიო პირობები

- 1.12.1 მიმწოდებელი იძლევა გარანტიას, რომ მოწოდებული საქონელი მისი ექსპლუატაციის ნორმების დაცვის შემთხვევაში არ გამოავლენს დეფექტს.
- 1.12.2 საქონლის საგარანტიო საერთო ვადა შეადგენს არანაკლებ 1 (ერთი) წელს, საბოლოო მიღება-ჩაბარების აქტის გაფორმებიდან.
- 1.12.3 თუ საგარანტიო პერიოდის განმავლობაში საქონლის ექსპლუატაციისას გამოვლინდება დეფექტი ან/და ნაკლი, მიმწოდებელი ვალდებულია შემსყიდველის შეტყობინებიდან 24 (ოცდაოთხი) სამუშაო დღის ვადაში უზრუნველყოს დეფექტის აღმოფხვრა საკუთარი ხარჯით.

1.13 ფასები

- 1.13.1 პრეტენდენტმა უნდა წარმოადგინოს ფასების ცხრილი დანართი N3-ის მიხედვით.
- 1.13.2 პრეტენდენტის მიერ წარმოდგენილ ფასები მოცემული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა ხარჯისა და გადასახადის გათვალისწინებით.

შენიშვნა:

- სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი და ინფორმაცია ხელმოწერილი უნდა იყოს ხელმძღვანელის ან პრეტენდენტის უფლება მოსილი პირის მიერ უფლებამოსილების მინიჭების დამადასტურებელი დოკუმენტის წარმოდგენით.
- ყველგან თუკი სადმე მითითებულია კონკრეტული სასაქონლო ნიშანი, პატენტი, მოდელი, წარმოშობის წყარო ან მწარმოებელი იგულისხმება „მსგავსი“ ან „ექვივალენტური“.

ხელშეკრულება სახელმწიფო შესყიდვის შესახებ (პროექტი)

ქ. თბილისი

2017 წელი

ხელშეკრულების პირობების საბოლოო ვარიანტი შეიძლება დაზუსტდეს ტენდერში გამარჯვებულ პრეტენდენტთან ხელშეკრულების გაფორმების პროცესში.

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილის მისი დირექტორის _____ სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, „სახელმწიფო შესყიდვების შესახებ“ საქართველოს კანონისა და პრეტენდენტის (მისი დასახელება) სატენდერო წინადადების საფუძველზე, ორეტაპიანი ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

იმის გათვალისწინებით, რომ შემსყიდველმა ჩაატარა ორეტაპიანი ელექტრონული ტენდერი

შესყიდვის ობიექტის მოკლე აღწერა

შესყიდვაზე რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული საქონლის მიწოდება შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)

(შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ორეტაპიან ელექტრონულ ტენდერში და მიაწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1 წინამდებარე ხელშეკრულების საგანს წარმოადგენს შემსყიდველისათვის სასმელი წყლის პოლიეთილენის მილების მიწოდება (შესყიდვის ობიექტი- 44100000 - სამშენებლო მასალები და დამხმარე სამშენებლო მასალები; CPV - 44163100 - მილები).
- 2.2 ხელშეკრულებით გათვალისწინებული საქონლის ზუსტი აღწერა და რაოდენობა მოცემულია ფასების ცხრილში (დანართი N_), რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 შესყიდვის ობიექტის ფასი განისაზღვრება ლარებში.
- 3.2 შესყიდვის ობიექტის საერთო ღირებულება შეადგენს ----- (-----) ლარს.
- 3.3 მისაწოდებელი საქონლის ერთეულის ღირებულება მოცემულია დანართში N_ (ფასების ცხრილი).

- 3.4 ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.
- 4. შესყიდვის ობიექტის მიღება-ჩაბარების წესი**
- 4.1 შესყიდვის ობიექტის მიღება განხორციელდება ორ ეტაპად;
I ეტაპი - ხელშეკრულების გაფორმების შემდგომ არაუგვიანეს _____ კალენდარული დღისა, მიმწოდებლის მხრიდან წარმოდგენილი სასაქონლო ზედნადების, ანგარიშ-ფაქტურისა და შუალედური მიღება-ჩაბარების აქტის საფუძველზე, სადაც მითითებული იქნება ფაქტიურად მიწოდებული (დასაწყობებული) საქონლის რაოდენობა.
II ეტაპი - ინსპექტირების დადებითი დასკვნის საფუძველზე, საბოლოო მიღება-ჩაბარების აქტით.
- 4.2 საბოლოო მიღება-ჩაბარების აქტის გაფორმებამდე, მიმწოდებლის მიერ ფაქტიურად მიწოდებული (დასაწყობებული) საქონლის შესახებ გაფორმებული შუალედური მიღება-ჩაბარების აქტის შემდგომ, აღმოჩენილი დეფექტური ან/და წუნდებული საქონლის გამოცვლისათვის მიმწოდებელს განესაზღვრება ვადა არაუმეტეს 15 (თხუთმეტი) კალენდარული დღისა.
- 4.3 დეფექტური ან/და წუნდებული საქონლის გამოცვლა მიმწოდებელმა უნდა უზრუნველყოს საკუთარი ხარჯებით.
- 4.4 შესყიდვის ობიექტის მიღება-ჩაბარება განხორციელდება შემსყიდველის მხრიდან უფლებამოსილი წარმომადგენლების მიერ.
- 5. ანგარიშსწორება**
- 5.1 „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.
- 5.2 დაფინანსების წყარო: შპს „საქართველოს გაერთიანებული წყალმომარაგების კომპანიის“ 2017 წლის სახსრები.
- 5.3 ანგარიშსწორება განხორციელდება საქონლის სრული მიწოდების შემდეგ, მიღება-ჩაბარების აქტის საფუძველზე და შესაბამისი ფინანსური დოკუმენტაციის (სასაქონლო ზედნადების; ანგარიშ-ფაქტურის (დ.ღ.გ-ს გადამხდელის შემთხვევაში) მიმწოდებლის მიერ წარმოდგენიდან 10 ათი სამუშაო დღის ვადაში.
- 5.4 წინასწარი ანგარიშსწორება არ გამოიყენება.
- 6. საქონლის მიწოდების პირობები**
- 6.1 მისაწოდებელი საქონელი უნდა აკმაყოფილებდეს დანართი N_– ში მოცემულ ტექნიკურ მახასიათებლებს.
- 6.2 საქონლის მიწოდება განხორციელდება ხელშეკრულების გაფორმების დღიდან 2017 წლის _____ ჩათვლით.
- 6.3 საქონლის მიწოდება უნდა განხორციელდეს მიმწოდებლის ხარჯით შემსყიდველის მისამართზე: ქ. გორი, ცხინვალის გზატკეცილი მე-3 კილომეტრი შპს „საქართველოს გაერთიანებული წყალმომარაგების კომპანიის“ ცენტრალური საწყობი.
- 6.4 მიმწოდებელი ვალდებულია შესყიდვის ობიექტის მიწოდებისას წარმოადგინოს მიწოდებული საქონლის ლაბორატორიული გამოცდის შედეგები.
- 6.5 მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო საქონელი.
- 6.6 მიმწოდებელმა საქონლის მიწოდებისას უნდა წარმოადგინოს სასაქონლო ზედნადები და საგადასახადო ანგარიშ-ფაქტურა (დღგ-ს გადამხდელის შემთხვევაში).
- 7. მხარეთა უფლება-მოვალეობანი**
- 7.1 **„შემსყიდველი“ უფლებამოსილია:**
 ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;
 ბ) საქონლის მიწოდების დროს განახორციელოს საქონლის ხარისხისა და სხვა პირობების ტექნიკურ დავალებასთან და წინამდებარე ხელშეკრულების პირობებთან შესაბამისობის ინსპექტირება
 გ) მოთხოვოს მიმწოდებელს წინამდებარე ხელშეკრულების პირობების შესრულება
- 7.2 **„შემსყიდველი“ ვალდებულია**
 ა) უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით

7.3 "მიმწოდებელი" უფლებამოსილია:

7.4 ა) მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით

7.5 "მიმწოდებელი" ვალდებულია:

ა) უზრუნველყოს ამ სფეროში საერთაშორისოდ აღიარებული მაღალი ხარისხის საქონლის მიწოდება.

ბ) დაიცვას წინამდებარე ხელშეკრულების პირობები.

გ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

8. ხელშეკრულების შესრულების გარანტია

8.1 ხელშეკრულების შესრულების უზრუნველყოფის მიზნით გამოყენებულია საბანკო გარანტია (გაცემული საბანკო დაწესებულების მიერ) ხელშეკრულების ღირებულების 5% (ხუთი) -ის ოდენობით, რომლის მოქმედების ვადა 30 (ოცდაათი) კალენდარული დღით აღემატება ხელშეკრულების მოქმედების ვადას. პრეტენდენტის მიერ, სავარაუდო ღირებულებაზე მინიმუმ **20%-ით დაბალი ფასის** დაფიქსირების შემთხვევაში, ტენდერში გამოყენებული იქნება ხელშეკრულების უზრუნველყოფის საბანკო გარანტია (გაცემული საბანკო დაწესებულების მიერ), ხელშეკრულების საერთო ღირებულების 10%-ის ოდენობით.

8.2 საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო.

8.3 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას შემსყიდველი ვალდებულია უზრუნველყოს გარანტიის დაბრუნება.

9. ხელშეკრულების შესრულების კონტროლი

9.1 შემსყიდველი შესყიდვის ობიექტის მიწოდებიდან 10 (ათი) დღის განმავლობაში განახორციელებს მიღებული საქონლის ტექნიკურ კონტროლს ან/და გამოცდის საქონელს, რათა დარწმუნდეს მათ შესაბამისობაში ხელშეკრულებით გათვალისწინებულ ტექნიკურ პირობებთან (ინსპექტირება).

9.2 მიმწოდებელი უფლებამოსილია დაესწროს ინსპექტირების პროცესს.

9.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი ტექნიკური საშუალებებით.

9.4 ინსპექტირებას შემსყიდველის მხრიდან განახორციელებენ შპს „საქართველოს გაერთიანებული წყალმომარაგების კომპანიის“ უფლებამოსილი წარმომადგენელი/წარმომადგენლები.

10. საქონლის საგარანტიო პირობები

10.1 მიმწოდებელი იძლევა გარანტიას, რომ მოწოდებული საქონელი მისი ექსპლუატაციის ნორმების დაცვის შემთხვევაში არ გამოავლენს დეფექტს.

10.2 საქონლის საგარანტიო საერთო ვადა შეადგენს არანაკლებ -----, საბოლოო მიღება-ჩაბარების აქტის გაფორმებიდან.

10.3 თუ საგარანტიო პერიოდის განმავლობაში საქონლის ექსპლუატაციისას გამოვლინდება დეფექტი ან/და ნაკლი, მიმწოდებელი ვალდებულია შემსყიდველის შეტყობინებიდან 24 (ოცდაოთხი) სამუშაო დღის ვადაში უზრუნველყოს დეფექტის აღმოფხვრა საკუთარი ხარჯით.

11. ხელშეკრულების პირობების შეუსრულებლობა

11.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, "მხარეებს" დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

- 11.2** ხელშეკრულებით ნაკისრი ვალდებულებების შეუსრულებლობის შემთხვევაში "მიმწოდებელი" ჯარიმდება ხელშეკრულების ჯამური ღირებულების 3 (სამი) პროცენტის ოდენობით.
- 11.3** იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, "შემსყიდველი" იტოვებს უფლებას შეწყვიტოს ხელშეკრულება და მოსთხოვოს "მიმწოდებელს" ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 11.4** პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.
- 11.5** ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს საქონლის ღირებულებიდან, იმ შემთხვევაში თუ საქონლის მიწოდება არ არის განხორციელებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შემსყიდველის სასარგებლოდ, ხოლო იმ შემთხვევაში თუ საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შემსყიდველის სასარგებლოდ საჯარიმო თანხებსა და საქონლის ღირებულებას შორის არსებული სხვაობა შემსყიდველის სასარგებლოდ.
- 12. ხელშეკრულებაში ცვლილების შეტანა და ხელშეკრულების შეწყვეტა**
- 12.1** ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 12.2** „მიმწოდებლის“ მიერ ხელშეკრულების პირობების შეუსრულებლობის შემთხვევაში „შემსყიდველი“ უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 12.3** ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 13. ფორს-მაჟორი**
- 13.1** ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 13.2** ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.
- 13.3** ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, 3 დღის ვადაში უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.
- 13.4** მხარეთა პასუხისმგებლობა და ვალდებულებები განახლდება ფორს-მაჟორული მდგომარეობის მოქმედების დასრულებისთანავე.
- 14. დავები და მათი გადასინჯვის წესი**
ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს მოქმედი კანონმდებლობის შესაბამისად.
- 15. ხელშეკრულების მოქმედების ვადა**
ხელშეკრულება ძალაში შედის ხელშეკრულების ხელმოწერის დღიდან, და მოქმედებს 2017 წლის -----.

16. სხვა პირობები

- 16.1** არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.2** მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 16.3** ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 16.4** წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

შემსყიდველი:

შპს „საქართველოს გაერთიანებული წყალმომარაგების
კომპანია“

მიმწოდებელი:

2 დამატებითი ინფორმაცია

1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში მიმართვის შემთხვევაში: ქ. თბილისი, ვაჟა-ფშაველა 76 ბ

საკონტაქტო პირი:

ნანა გახოკიძე

ტელეფონი:

+995 5 77 38 11 37; +995 32 2919060 (150)

ელ.ფოსტა:

n.gakhokidze@water.gov.ge

2. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა: ტენდერისთვის „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ვ“ ქვეპუნქტით გათვალისწინებული სტატუსის მინიჭებიდან ამავე პუნქტის „მ“ ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის – „კითხვა/პასუხის“ მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

რეკვიზიტები

1.	პრეტენდენტის იურიდიული ფორმა და დასახელება:	
	ხელმძღვანელის სახელი და გვარი:	
	პრეტენდენტის იურიდიული ან/და ფაქტიური მისამართი:	
	საიდენტიფიკაციო კოდი:	
	პრეტენდენტის ტელეფონის ნომერი:	
	ელექტრონული ფოსტა:	
	ბანკი:	
	ბანკის კოდი:	
	ანგარიშის ნომერი:	

პრეტენდენტის ხელმოწერა _____

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____

(შემსყიდველის დასახელება)

მხედველობაში ვიღებთ, რომ

(მიმწოდებლის და
სახელება)

შემდგომში, მიმწოდებელმა “ტენდერში წარდგენილი თავისი
(ტენდერის დას
ახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული
ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ
მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით
საერთო თანხაზე:

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემოაღნიშნული თანხის გადახდას მიმწოდებლის მიერ ხელშეკრულების პირობების დარღვევის
საფუძველზე თქვენი პირველივე მოთხოვნისთანავე.

წინამდებარე გარანტია ძალაშია

გარანტების ხელმოწერა და ბეჭედი

(თარიღი)

(მისამართი)

ფასების ცხრილი

პრეტენდენტის დასახელება _____

შესყიდვის ობიექტის დასახელება	ძირითადი მახასიათებელი	წარმოშობის ქვეყანა/მწარმოებელი	რაოდენო ბა/განზომ ილების ერთეული	ერთეულის ფასი	საერთო ღირებულება	მიწოდების ვადა	მიწოდების ადგილი	შენიშვნა
1	2	3	4	5	6	7	8	9

პრეტენდენტის ხელმოწერა _____

ტექნიკური პირობები

N	საქონლის დასახელება	საქონლის ძირითადი მახასიათებლები	განზომილების ერთეული	რაოდენობა
SDR11-PN16 PE 100 (რულონები)				
1	მილი პოლიეთილენის სასმელი წყლის დ 20 მმ (რულონები)	SDR11-PN16 PE 100	მეტრი	7000
2	მილი პოლიეთილენის სასმელი წყლის დ 25 მმ (რულონები)	SDR11-PN16 PE100	მეტრი	6000
3	მილი პოლიეთილენის სასმელი წყლის დ 32 მმ (რულონები)	SDR11-PN16 PE 100	მეტრი	3400
4	მილი პოლიეთილენის სასმელი წყლის დ 40 მმ (რულონები)	SDR11-PN16 PE 100	მეტრი	2000
5	მილი პოლიეთილენის სასმელი წყლის დ 50 მმ	SDR11-PN16 PE 100	მეტრი	2500
6	მილი პოლიეთილენის სასმელი წყლის დ 63 მმ (რულონები)	SDR11-PN16 PE 100	მეტრი	2000
7	მილი პოლიეთილენის სასმელი წყლის დ 75 მმ (რულონები)	SDR11-PN16 PE 100	მეტრი	1500
SDR11-PN16 PE 100 (არანაკლებ L=12მ)				
8	მილი პოლიეთილენის სასმელი წყლის დ 90 მმ	SDR11-PN16 PE 100 L=12მ	მეტრი	1100
9	მილი პოლიეთილენის სასმელი წყლის დ 110 მმ	SDR11-PN16 PE 100 L=12მ	მეტრი	2000
10	მილი პოლიეთილენის სასმელი წყლის დ 140 მმ	SDR11-PN16 PE 100 L=12მ	მეტრი	50
11	მილი პოლიეთილენის სასმელი წყლის დ 160 მმ	SDR11-PN16 PE 100 L=12მ	მეტრი	1700
12	მილი პოლიეთილენის სასმელი წყლის დ 315 მმ	SDR11-PN16 PE 100 L=12მ	მეტრი	80
SDR17-PN10 PE 100 (რულონები)				
13	მილი პოლიეთილენის სასმელი წყლის დ=40 მმ	SDR17-PN10 PE 100 რულონი	მეტრი	1400
14	მილი პოლიეთილენის სასმელი წყლის დ=50 მმ	SDR17-PN10 PE 100 რულონი	მეტრი	2000
15	მილი პოლიეთილენის სასმელი წყლის დ=63 მმ	SDR17-PN10 PE 100 რულონი	მეტრი	2000
16	მილი პოლიეთილენის სასმელი წყლის დ=75 მმ	SDR17-PN10 PE 100 რულონი	მეტრი	900
SDR17-PN10 PE 100 (L=არანაკლებ 12მ)				
17	მილი პოლიეთილენის სასმელი წყლის დ 90 მმ	SDR17-PN10 PE 100 L=12მ	მეტრი	1200
18	მილი პოლიეთილენის სასმელი წყლის დ 110 მმ	SDR17-PN10 PE 100 L=12მ	მეტრი	1200
19	მილი პოლიეთილენის სასმელი წყლის დ 160 მმ	SDR17-PN10 PE 100 L=12მ	მეტრი	1200

შენიშვნა:

მოწოდებულ საქონელზე დატანილი უნდა იქნეს შემდეგი სახის ინფორმაცია:

მწარმოებლის შესახებ ინფორმაცია	სახელი ან სიმბოლო
დiameter	მაგ.: 110X10
SDR ნომერი	მაგ.:SDR 11
მასალა	PE 100
წნევა	მაგ.: PN 16
გამოშვების პერიოდი	რიცხვი ან კოდი
სასმელი წყლის სისტემებში გამოყენების დამადასტურებელი სიმბოლო	მაგ.: სიტყვა “water” ან კოდი “W”

პრეტენდენტის ხელმოწერა _____